

瘍

醫

大

全

傷醫大全目錄

卷二十七

足踝部

風疽門主論

附方

內踝疽門主論

附方

外踝疽門主論

穿踝疽門主論

驢眼瘡門主論

附方

足發背門主論

足心癰門主論

田螺炮門主論

癰疽門主論

婦人腳十指油煎門主論

脫疽門主論

附方

敦疽門主論

青蛇頭門主論

附方

厲癰門主論

癰發門主論

臭田螺門主論 附方

青蛙毒門主論

腳丫毒門主論

腳丫癢爛門主論 附方

甲疽門主論 附方

牛程躑門主論 附方

足跟疽門主論 附方

土栗門主論

足疔怪病門主論

足跟冷疔門主論

附方

雞眼門主論

爛皮濕熱門主論

附方

遠行奔走腳上起泡門主論

附方

足汗門主方

小腳門主方

瘍醫大全卷二十七

蕪湖顧世澄練江氏纂輯

增錢之栢東隱

全校

男 柳燮用和

足踝部

自足踝起至足跖底指止一切癰疽疔毒皆彙於此  
部中以便檢閱參治

風疽門主論

心法曰風疽生足脛骨及曲凹之處瘡癢皮損津流黃汁極其粘濃此由風邪留於血脉相搏而成因其根深故有疽名甚則身體煩熱昏冒而肌肉透紅更增腫痛宜服防風湯外塗青竹大蘆油卽效

風疽門主方

青竹大豆油 全鑑

青竹筒截三尺長徑一寸半筒內裝黑豆一升以穀糠馬糞二物燒火當竹筒中炙之以磁器兩頭接取淌出油汁以漬米泔水和鹽熱洗患處拭乾卽塗豆油不過三度極驗





內踝疽門主論

靈樞云發於內踝名曰走緩其狀癰色不變數石其  
輸而止其寒熱不死

王肯堂曰足內踝生疽名曰鞋帶癰由寒濕滯於足  
陽明與足厥陰經血澁氣阻所致

準繩

內踝疽門主方

祛濕消邪湯 岐天師

薏苡仁 二兩

生甘草 三錢

金銀花

蒲公英

當歸 各一錢

水煎服

此濕熱也祛濕清邪湯主之蓋濕氣必下受而水流必下行薏苡去濕而利關節之氣金銀花去火毒之邪助之以生甘草則邪易散而濕易退矣然而血虛則水氣易侵濕邪易入今用當歸以補其血血足水無所侵而濕難入故用之合宜而病可速效也



外踝疽門主論

王肯堂曰外踝疽又名脚拐毒生足外踝屬足少陽

膽經足太陽膀胱經濕熱下注

準繩

申斗垣曰脚拐毒又名鞋帶疽乃膀胱經寒濕注於皮膚傷於筋骨平常不覺久則疽發於兩踝是也

欽

心法曰外踝疽屬三陽經脉絡也由濕寒下注血滯氣阻而成其堅硬漫腫皮色不變時時隱痛難於行走宜服內托羌活湯若虛弱將欲作膿跳痛無

時者俱服十全大補湯全鑑

穿踝疽門主論

陳實功曰穿踝疽卽脚拐毒乃足三陰經濕熱下流  
停滯而成初起內踝腫痛徹骨舉動艱難甚則串  
及外踝通腫此證若不早治因循必成廢疾 正宗  
又曰大法初起宜荆防敗毒散加牛膝脹者針之玉  
紅膏欽之虛者補之

心法曰穿踝疽乃脾經寒濕下注血澁氣阻而成先  
從內踝骨發起串及外踝至蝕裏外通腫不紅以  
有頭爲陽易破易治若只悶腫無頭爲陰難潰難

愈如初起寒熱往來有紅暈兼有熱也宜荆防敗  
毒散皮色不變者宜萬靈丹其餘悉同癰疽治法

全錄

又曰內踝疽生兩足內踝近腕之處屬三陰經脈絡  
也由濕寒下注血滯氣阻而成其堅硬漫腫皮色  
不變時時隱痛難於行走初宜瘡科流氣飲加牛  
膝木瓜防已宣通之外以蒜灸消散已成服內托  
黃芪湯若虛弱者將欲作膿跳痛者十全大補湯  
外敷烏龍膏



又曰穿踝疽內踝疽外踝疽若潰出清水或投方不  
應纏綿日久者必成廢疾難治

澄曰內踝疽卽鞋帶疽屬足三陰經脈絡外踝疽卽  
脚拐毒屬足三陽經脈絡皆生兩足踝近腕之處  
俱由寒濕下注血澀氣阻而成初宜隔蒜灸

驢眼瘡門主論

澄曰脾經濕毒流滯足脛骨爛如臙瘡四邊紫黑時  
流毒水或淌臭膿名曰驢眼瘡俗名夾棍瘡因其  
疼痛難堪故名之也亦有碰傷而成亦有毒蚊虻  
蠅咬傷而起最難收功

鹽眼瘡門主方

鹽眼瘡

集驗

田螺搗爛敷數次即愈



足發背門主論

鬼遺方云足跗發

跗一作趺  
足面也

起足跗及足下二十日

不穴死十日可刺發赤白膿血不多其瘡上癢及  
赤黑者死

王肯堂曰足趺結毒腫痛名足發背屬足厥陰肝陽  
明胃經之會多因濕熱乘虛而下注膿稠可治膿  
清紫陷者死

準繩

靈樞云發於足上下名曰四淫其狀大癰不急治之

百日死

王肯堂曰病蝦症患脚背手背腫大有赤痕如蝦之  
狀準繩

又曰脚背或脚趾腫痛不可忍以脚高懸起其疼方  
止些若以脚垂下其疼不可當者名倒拔腫瘍

申斗垣曰脚發背一名蛇沿毒因草木蛇遊人行草  
上惹受蛇毒初起堅硬紅腫光澤疼痛作膿者可  
治其狀如湯潑發大水泡不久則變紫色而穿破  
者或經年不愈至骨成渾者俱難治矣啟立

又曰脚發背亦有腎經濕毒流滯而成

汪省之曰足發背發於足背衝陽陷谷二穴乃足陽  
明胃經多血多氣初發令人寒熱作嘔痛癢麻木

理例

心法曰足發背一名足跗發足背雖屬三陽而偏主  
膽胃二經居多證由七情內鬱或兼六經外傷而  
成經云三背不宜生瘡惟足背多筋少骨肉少皮  
薄又在至陰之下發瘡疽者升發遲慢所以謂爲  
險候也宜別五善七惡而分順逆發背者大瘡之  
通名也或癰或疽均當細辨順逆既分則生死可

判矣

又曰初宜隔蒜艾灸令瘡速潰

瘡曰脚發背生於脚背筋骨之間乃足三陰三陽之所司也比之手發背爲尤重皆緣濕熱相搏血滯於至陰之交或赤足行走沾染毒涎抑或撞破悞觸汚穢而成總之外染者輕內邪流滯者重





足心癰門主論

鬼遺方云兩脚心發微骨者不治如脚心微皮破不至深發膿不多者可治

王肯堂曰足心發毒腫痛亦名涌泉疽俗名病穿板又名穿窟天地蛇屬少陰腎經虛損所致宜十全大補湯入味地黃湯大劑不問晨夜投之潰爛嘔逆迷悶脉微代者死

準繩

馮魯瞻曰脚心發毒淺者可治毒深者不治

錦囊

申斗垣曰脚心癰乃心腎二經濕毒流注發於足心

敬

又曰脚底穿心疔又名井泉疽乃腎經外感風邪濕毒流於脚底久則穿爛遂成漏症

心法曰湧泉疽乃足少陰腎經虛損兼濕熱下注而成生足心湧泉穴故名若十四日內卽潰膿淺則爲癰猶爲可救悉照癰疽施治外用神燈照法若虛甚膿遲十全大補湯潰後入味地黃丸若黑陷不疼二十一日之內不潰膿者爲疽屬陰敗之證

難救 全鑑

## 田螺炮門主論

心法曰田螺炮多生足掌而手掌罕見由脾經濕熱下注外寒閉塞或因熱體涉水濕冷之氣蒸鬱而成初生形如豆粒黃炮悶脹硬疼不能著地連生數炮皮厚難於自破傳度三五成片濕爛甚則足跗俱腫寒熱往來治宜苦參菖蒲野艾熬湯熱洗次用線針將炮挑破放出臭水加味太乙膏貼之再將炮皮剪去宜用石羔輕粉等分研末撒之仍以膏貼更有經年不愈者係下部濕寒以金匱腎

氣丸常服甚效

全鑑

陳實功曰田螺泡乃脾經風濕攻注多生手足忽如火燒隨生紫白黃泡不久漸大脹痛不安用針挑破泄去毒水太乙膏蓋如挑破又生者須服解毒

瀉脾湯

正宗

癆疽門主論

汪省之曰癆疽乃足太陽膀胱經多氣少血生於足  
小指後趺在京骨金門二穴五七日得膿不多者  
吉如黑色不潰癢甚者凶

理例

婦人腳十指油煎門主論

馮魯瞻曰婦女腳十指如熱油煎者此由榮衛氣虛  
濕毒之氣流滯經絡上攻心則心痛下攻腳則脚  
痛其脚指如焚如脚氣之類經云熱厥是也





脫疽門主論

靈樞云發於足指名曰脫癰其狀赤黑者死不治不赤黑者不死治之不衰急斬之否則死矣

鬼遺方云癰敦疽發兩足指五日不穴死四日可刺其色發黑癰不堪未過節者可治

王肯堂曰足指生疔重者潰而自脫故曰脫疽或曰惟足大指患之爲脫疽其餘之指患之曰敦疽易

治惟脫疽難治

準繩

陳遠公曰有足指頭忽先發癢已而作痛指甲黑色

第二日足指俱黑三日足面俱黑黑至脛骨卽死此無名腫毒得之多服春藥乃火熱之毒非足疽可比若足疽止黑左足指也然足疽最凶雖不如無名腫毒之橫而速殺人則一也蓋足爲四餘之末宜毒所不到何以凶惡至此正以毒所不至之處而毒聚不散反出于指甲間則毒盛非常而治之轉不可輕視然則以泄毒之藥治之可乎而誰知不然人身之氣盛則周流于上下毒斷不聚于一處惟氣血大虧不能徧行經絡而火毒惡邪乃

固結于骨節之際足疽之生乃氣血之虧不能周  
致之故然則烏可單泄毒以重傷氣血乎必大補  
氣血加泄毒之味則全勝之道也顧步湯牛膝一  
兩 金釵石解 一兩 人參 三錢 黃芪 一兩 當歸 一兩

金銀花 三兩 水煎服一劑黑色解二劑疼止三劑

全愈若已潰爛多服數劑無不愈也此方以銀花  
解毒非牛膝石斛不能直達足指非人參歸芪不  
能氣血周流使氣通血活以散毒也卽無名腫毒  
此方治之亦効不但治足疽也世醫有以刀切去

足指亦是治法然不若此方補中敗毒起死回生  
既無痛楚之傷又有全活之妙也 水鑑

陳實功曰夫脫疽者外腐而內壞也此因平昔房術  
澀精丹石補藥消燂腎水房勞過度氣竭精傷而  
成手足乃五臟枝幹故凡患此者多生手足初生  
如粟一點黃泡其皮猶如煮熟紅棗黑色侵漫相  
傳五指傳遍上至脚面疼如湯泡火燃其形骨枯  
筋縱其穢異香難解其命仙方難活血死心敗筋  
死肝敗肉死脾敗皮死肺敗骨死腎敗死生付於

度外孫真人曰在肉則割在指則切卽此病也乘其未及延散時急用頭髮十餘根纏患指本節盡處繞紮十餘轉漸漸緊之毋使毒氣攻延良肉隨用蟾酥餅放原起粟米頭上加艾灸至肉枯瘡死爲度次日日本指盡黑方用利刀尋至本節縫中將患指徐順取下血流不止用金刀如聖散止之餘腫以直君妙貼散敷之次日倘有黑色未盡單用蟾酥錠研末摻之膏蓋黑色自退患上生膿照常法用玉紅膏生肉護骨完口此爲吉兆內服滋腎

水養氣血健脾安神之劑若內無變症外無混雜  
此十中可保三四凡治此症不可一己醫治必與  
高明衆議聽患家願情割取方可動手因此症首  
尾吉凶變駁難定故不可輕易用之又有形似而  
來非穴真而受異治在活法又不可妄行切割也  
當臨症詳酌之 正宗

又曰脫疽多生手足初起如粟漸大其色如褐或似  
棗皮漸黑漸開漸大黑如烏羽不知痛癢熱臭難  
聞小兒多從積熱積毒大人多因誤服丹石與陽

等藥壅阻精道房術所致古人雖有割截之法予見三人俱至七八日而死

馮魯瞻曰脫疽多因房術虧損腎水鬱怒有傷肝脾地位偏僻藥力罕到氣血難達易致筋潰骨脫故猶宜補托氣血為主以脉消息若黑色者不治

錦囊

竇漢卿曰訓疽乃肺經受熱發於兩手五指頭上七八日不瀉必死四日可刺如發黑癰不甚過節猶可治也黑甚過節者死雖過節猶可治者藥入及之也其狀因小黯肉中生點子點小者如粟豆大

惟大者如梅李或赤或黑乍青乍白有實核卽核  
也不浮腫慘痛應心至骨或身體發熱若不急治  
毒遂冲上面悉腫泡點紫黑爛壞入心殺人南方  
人得此名曰楊着毒卽截去其指恐毒上攻罕有  
一生十指端忽然策策痛入於心不可忍之向明  
望者晃晃黃赤或黯青黑是燔疽齒間出臭水血  
者七日亡矣但厚肉處卽割去用烙鐵烙之令焦  
如炭亦如治疽之法灸百壯爲佳須頓飲葵根汁  
青靛花竹瀝犀角汁枳殼湯消毒飲若吐膿血不



治宜以灰掩膿血上不則毒氣着人亦相染矣燦  
疽害人不旋踵惡風入肌脉初未知覺毒鬱既發  
若火之烈其上隱小而深實點黑而不明其病應  
心稍緩則入臟矣

心法曰脫疽多生足指之間手指生者間或有之蓋  
手足十指乃藏府枝幹未發疽之先煩躁發熱頗  
類消渴日久始發此患初生如粟黃炮一點皮色  
紫暗猶如煮熟紅棗黑氣漫延腐爛延開五指相  
傳甚則攻於脚面痛如湯潑火燃其臭氣雖異香

難解皆緣膏粱藥酒及房術丹石熱藥以致陽精  
煽惑淫火猖狂蘊蓄於藏府消燼津液而成斯時  
血死心敗皮死肺敗筋死肝敗肉死皮敗骨死腎  
敗此五敗症雖遇靈丹亦難獲効初起宜服解毒  
濟生湯外用大麥米煮飯拌芙蓉葉菊花葉各五  
錢敷之止痛消之如不應必施割法須患者情愿  
將死生付之度外不可輕易動手 全鑑

又曰諸方書論脫疽单生於足大指而別指生者俱  
是敦疽此非確論然脫疽偏生於屬足陰經之指

者居多學者宜詳審之

脫疽門主方

陰陽二氣丹

治脫疽久服丹石補藥致虧腎水多成口燥咽

乾至飲冰雪不知其冷此孤陽獨旺宜服此解

元

參

湯泡去粗皮搗膏

麥門冬

搗膏

天門冬

搗膏

人中白

小兒溺者生用

五味子

炒研

黃

栢

各一兩

青

黛

色嬌嫩者

枯

礬

辰

砂

水飛為衣

澤

瀉

甘

草

各三錢

冰

片

一錢

各為細末同元參二冬膏子加煉蜜少許再搗

清神散

千餘下軟硬得中丸如桐子大每服六十九童  
便乳汁各一鍾空心送下安睡一時其功如神

治脫疽疔瘡發背毒積甚者腠理發越不盡多  
致煩躁悶亂睡則譫語嘔吐不食者並宜服之

甘草節 五錢

萊豆粉 真者一兩

大硃砂 三錢

牛黃 三分

梅花片 五分

右爲細末每服一錢淡竹葉燈心湯調服

雌雄霹靂火

治脫疽及一切發背初起不疼痛者並宜灸之

艾茸二錢 麝香一錢 丁香

雌黃 雄黃 各二分

將藥研極細搓入艾中作安豆大丸於患上灸之母論痛癢以肉焦爲度如毒已經走散就紅暈盡處排炷灸之痛則至癢癢則至痛爲妙灸後仍用提疔麥子貼上膏蓋次服蟾酥丸及解毒濟生湯兼治轉回活色有膿爲妙

金液戊上丹

治脫疽及疔瘡發背縱食膏粱厚味法酒又或  
丹石補藥勉力房勞多致毒積臟腑久則胃汁  
中乾腎水枯竭不能上制心火以致消渴消中  
消腎饒飲多乾能食多瘦九竅不通驚悸健忘  
此證若出後必發疽多難治療宜預服此亦可  
轉重就輕移深居淺又解五金八石之藥毒

人中黃

烏梅肉

胡黃連

白茯神

五味子

各一兩

石菖蒲

遠志肉

明雄黃

辰砂

硝

石

各二錢

西牛黃

冰

片

各一錢

金

箔

二十張  
爲衣

各乳細末配準前數共入乳鉢內再研千轉於  
端午七夕或二至二分吉辰在淨室中先將烏  
梅地黃搗膏極爛和藥漸加煉蜜少許徐徐添  
搗軟硬得中每藥一兩分作十九金箔爲衣每  
服一丸用人乳童便共一大杯化藥隨病上下  
食前後服之此藥最解膏粱金石藥毒殺三尸  
除癆熱極有奇功又治煩癲主安神志辟瘴辟



瘟及諸邪魅譫語妄情失心喪志者俱效修合  
之時服藥之際俱忌婦人僧尼孝服鷄犬等見  
之此藥用蠟封固收藏勿泄藥味愈久愈效

敦疽門主論

心法曰敦疽多生於足指而手指亦間有生者此由膏粱太過則損脾胃勞太甚則損腎脾既損則血生少腎既傷則精必竭更兼濕熱壅盛而成初起黃粟小炮痛如湯潑火燃其色紅活腫無黑暈潰破有膿腐無敗色此屬血脈未死之候然此證雖無敗色亦由臟腑發出未可視爲小毒也急宜內服滋陰救燥補血理脾之藥清心寡慾調理庶無變證

全鑑

又曰首尾禁用灸法

青蛇頭門主論

王肯堂曰青蛇頭又名指風毒生足大指節上乃毒蛇所處之地人不知覺毒在經過染受毒氣故生此毒初起狀如湯潑火燒痛不可忍內毒癰甚增寒壯熱四肢酸痛後則贅肉突出痛如刀割用人龍散敷之贅肉自縮輕者經旬匝月重者兩三月不收功潰敗筋骨多有之矣

準繩

青蛇頭門主方

人龍散

蛇頭竅肉突出

人龍

卽蜎蟲人吐出者更作  
厠中者亦可用一條

雄黃二錢全搗爛敷

竅肉上卽時竅肉縮進腫消痛止而愈



厲難

厲癰門主論

王肯堂曰厲癰發於足傍其狀不大初從小指發急治去之其狀黑者不可消輒益不治百日死

準繩

心法曰靈樞云發於足上下名曰四淫發於足傍名曰厲癰不急治之俱百日死此二證俱由足三陰經虧損爲疽者重若兼足三陽經濕熱下注而成癰者輕若紅腫疼痛潰後有膿腐脫無黑氣侵漫屬濕熱偏勝順症易治若微紅微腫潰出膿水屬陰氣凝結不能化膿陰症難治若黑暗漫腫痛不

潰膿煩熱作渴小水淋漓爲陰敗惡症屬逆四淫  
無邊沿厲癰類敦疽首尾宜壯脾滋水或可成功  
若妄用苦寒剋伐之藥多致不救 全鑑



癰發門主論

陳實功曰癰發乃天時不正之氣感而發之非毒內  
作也此患多生手足掌心或腰腿臂下伸縮之處  
漫腫無頭憎寒壯熱四肢沉重煩渴爲甚初起宜  
服萬靈丹發汗解表如仍不消者必欲作膿均照  
癰疽已成治法

正宗

心法曰此症疼如痛風其色淡紅

臭田螺門主論

陳實功曰臭田螺者乃足陽明胃經濕火攻注多生  
足指脚丫隨起白斑作爛先癢後痛破流臭水形  
同螺靨甚者脚面俱腫惡寒發熱先宜甘草湯洗  
淨貼蟾酥餅三日三換後用珍珠散猪脊髓調搽  
膏蓋腫處以黃君妙貼散敷之 正宗

心法曰臭田螺由胃經濕熱下注而生脚丫破爛其  
患甚小其癢搓之不能住癢必搓至皮爛津腥臭  
水覺痛時其癢方止次日依然作癢經年不愈極

其德綿全鑑

臭田螺門主方

驗方

甘草 薏苡仁

煎湯洗之用黃連膏潤之

青蛙毒門主論

申斗垣曰青蛙毒因着濕鞋潮襪一時不覺日久漸成此毒狀如青蛙紅赤者可治紫黑者痛如刀刺經年者難愈必用乳香血竭膏貼之內服活血祛風之劑 啟立

脚丫毒



腳丫毒門主論

申斗垣曰腳丫毒是足經受症足背肤是足三陽經  
足掌心丫是足三陰經受症當分何經加引經藥  
以治之

欽玄

汪省之曰伏鼠疽多生於手足指上丫間在背外歷  
歷三五疽如毬在皮中痛相應者乃伏鼠疽若不  
早治毒氣攻心卽死

理例

脚丫癢爛門主論

陳實功曰婦人脚丫作癢乃從三陽風濕下流凝結不散故先作癢而後生濕爛又或足底彎曲之處癢濕亦然 正宗

申斗垣曰脚丫濕爛乃濕熱下注或熱足下水以致脚丫破爛如平素濕熱盛者聽其淌水不須醫治濕熱由此外泄若驟用燥藥收乾反助濕熱內患也 啟玄

又日久雨淹水跣足出入於中脚丫濕爛成瘡疼痛



難行先用礬湯洗拭再以密陀僧煨赤置地下  
火毒研極細末摻之次日卽能行走

胡公弼曰凡脚丫初起小泡作癢潰爛毒水流注之  
處卽作癢潰爛出水此乃濕氣侵淫之症以神應  
散治之

青囊

脚丫癢爛門主方

枯礬散

石膏煨

輕粉

黃丹各三錢

枯白礬五錢

研勻溫湯洗淨搽藥其癢卽止

又方濟生

五倍子炒枯 松香 枯白礬

水銀

鉛各五錢全

雄黃三錢

水銀煨死

右爲細末先用荔枝草煎湯洗過將此藥摻之

密陀僧散

密陀僧 一兩

石膏

枯白礬

各二錢

輕粉 一錢

研細桐油調搽濕則乾摻

又方

驚掌皮焙研細末摻之香油調敷亦良

又方

松蘿茶葉焙研細末摻之

又方

稻草把燒烟薰之

又方

臭樹花煎湯浸洗

又方

九江礬紙揉軟夾脚丫內

又方

草紙煤

石

粉

卽婦女勻面  
瘡粉各等分

和研細乾摻



甲疽

小

甲疽門主論

王肯堂曰甲疽嵌甲足三陰經皆起於足指氣血沮而不行結於指甲之間能成甲疽凡以經絡之所流注非特肌肉之病也或得於剪甲傷肌或得於甲長侵肉或得於履絢之不適使氣血沮遏而不通腐潰爲疽久則爛指上引於脛膝之間而瘡疱者自己然病在四末不必治其內惟塗敷滌濯去惡而除穢及適其行履則愈矣

準繩

又曰按足指在人體最下氣血易沮藥力難到虛弱

之人小有破損卽成瘡瘍久而不斂况其大者非  
其大補氣血豈能易愈古云病在四末不必治內  
非通論也

寶漢卿曰足三陰經皆起於足氣血阻滯不行潰於  
指甲間或鞋小不適血氣阻遏不通腐潰久則浸  
淫爛指用芎椒湯浸洗快刀割去甲角入肉處挹  
乾用白礬燒令沸定爲末敷之濕則再敷數易卽  
散矣

陳寶功曰甲疽因甲長侵肌或修甲損傷良肉或靴

鞋窄小俱能生之其患贅肉裹上指甲腫痛異常  
當以白降丹化去贅肉珍珠散收口 正宗

申斗垣曰嵌指卽甲疽非氣血不和而生乃因靴鞋  
短窄或踢蹙故甲內長瘀肉時時流水痛不可忍  
百治不愈庸醫悞認指疔上藥罔效須令修脚人  
修去肉甲再上生肌散自愈 破玄



甲疽門主方

甲疽肉腐膿血疼痛

厚朴蠟生研細末每服二錢加青靛少許酒調下  
又方

鹽湯盪洗

嵌甲入肉成疽延爛

外臺秘要

綠礬

五兩燒至汁盡研末  
色如黃丹收之

每以鹽湯洗拭用末厚敷以軟絹纏裹當日卽  
汁斷瘡乾每日一遍鹽水洗淨其痂乾處不須

上藥或作白膿卽擦破敷之自愈

華陀屢效散

橄欖核

三個煨存性

黃

丹

三分

礱

砂

乳

香

各一錢

輕

粉

五分

研細香油調搽



牛程曉

牛程躑門主論

陳實功曰牛程躑乃因程途奔走熱脚下水見風以致氣滯血枯結成頑硬皮肉榮衛不滋漸生腫痛腫高突起步履難行久則破裂膿水相流每日溫湯洗淨搽牛角散又有內膿攻注皮頑難破者以大線針眼頭挑破出膿乃寬硬皮躑破者剪而去之肉不生者玉紅膏搽之內滿不生皮者生肌散摻之

正宗

心法曰牛程躑生於足跟及足掌內頑硬腫高埂起

色黃疼痛不能行履此熱脚着冷水或遇寒邪襲  
於血脉致令氣滯血凝而成初起宜薰烙之法消  
之久則破裂膿水津流每日米泔水洗淨搽牛角  
散四圍頑皮浮起剪去換搽玉紅膏珍珠散生肌  
歛口

全鑑

牛程躡門主方

牛角散 正宗

牛角尖 燒灰 松香 水龍骨

輕粉 各等分

共研細末牛骨髓調搽虛弱者兼服十全大補湯

又方

治脚後跟老皮肉痛起疽破頭成漏久不完口不能着地疼甚者

用黃蠟松香各一錢許化開卽投入水中取起看  
漏口大小用藥爲丸塞住漏眼外用棉花裹脚裴  
住勿動十數日之間漏乾着地演試不痛漸漸行  
動漏內肉長自將藥頂出功難盡述

薰法 全鑑

用瓦盆一箇內安新磚磚上安放鴿糞糞上合箴  
籬以脚踏在箴籬上再以滾水從傍衝入蒸之後  
漬之冷則易之初起用之可消

又法

新磚燒紅韭菜汁潑之將病足踏於其上盪之初  
起自消





足跟疽門主論

王肯堂曰足跟疽又名兔囁其狀若兔囁故名屬足  
太陽經穴名申脉在足跟骨下此處乃陰陽二蹻  
發源之所由臟腑積熱所致其毒深重最忌毒藥  
敷貼若紫陷麻木神昏脉亂者不治過時潰爛者  
有妨飲食二便不調或涉房勞怒氣迷悶者死準繩  
薛立齋曰足跟乃督脉發源之所腎經所過之地若  
飲食起居失宜虧損足三陽經則成瘡矣若漫腫  
寒熱或體倦少食屬脾虛下陷也施治之法滋肝

腎扶脾胃爲主

馮魯瞻曰婦人足跟足指腫痛足心發熱皆因胎產  
經行大於調攝虧損足三陰虛熱所致若腫痛或  
出膿用六味地黃丸爲主佐以八珍湯胃虛懶食  
佐以六君子湯寒熱內熱佐以逍遙散晡熱益甚  
頭目不清佐以補中益氣湯凡發熱晡熱內熱自  
汗盜汗等證皆陰虛假熱也故丹溪謂火起九泉  
陰虛之極也足跟乃督脉發源之所腎經所過之  
地諸骨承載之本若不求其屬泛用寒涼其爲天

在者多矣 錦囊

又曰男酒色過度者多患此證

汪省之曰癰疽屬足太陽膀胱經多血少氣生於足  
跟申脉穴又名足疽如初起赤腫有頭可刺黃白  
色膿可治如初起便破黑爛則凶若不早治令人  
足落不能生也 理例

又曰筋疽生兩足後跟崑崙二穴乃足太陽膀胱經  
多血少氣初起三五日皮如蟲蝕過一年有蟲內  
食其骨骨粗膿多時節落蟲如筋頭黃赤色經年

不瘥名曰癰漏一名曲疽如膿水不止名曰冷疽  
多死

心法曰足跟疽生足跟俗名脚攀根此由臟腑積熱  
汗出涉水遠行傷筋而成初腫紅紫疼痛潰破膿  
水淋漓狀如兔咬經云兔齧狀如赤豆深可至骨  
務須急治遲則害人蓋謂毒之深惡也屬足太陽  
膀胱經穴名由鰓卽陽蹻脉發源之所又乃腎經  
所過之路瘡口久潰不合陽蹻脉氣不能冲發腎  
氣由此漏洩以致患者益虛初起宜隔蒜片灸之

服仙方活命飲加肉桂牛膝潰後宜補中益氣湯  
人參養榮湯桂附地黃丸隨症滋補治之 全鑑

王海藏曰兔囓久不收斂用鹽湯洗之白朮研末撒  
之兩日一易謹戒一切勞碌卽效

澄

曰足跟疽多因汗足涉水或遠行有傷筋骨或濕  
熱流注而生初起必癢勿視容易可用艾灸或因  
循十餘日膿血淋漓經年不斂如癢以椒鹽湯洗  
之

足跟疽門主方

敷法

乳香

沒藥

海螵蛸

赤石脂

各等分

研細末用黃蠟化開和勻作餅敷上包紮即愈

流水蘇根瘡門主論

申斗垣曰流水蘇根瘡多生於足後跟下赤爛內有肉絲縷縷如蘇根相似故名之是足太陽膀胱經多血少氣又沾房事況在跟下最難收功必先洗去陰藥死肉臭氣用紅升藥加苧蘇根煨灰乾摻

玄散

宜內服腎氣丸



土栗門主論

心法曰土栗又名琉璃疽生在足跟之旁形如棗栗  
亮而色黃腫若琉璃此由行走崎嶇之路勞傷筋  
骨血脉而成膿熟針之膿少水多者陀僧膏貼之  
全鑑

足疔怪病門主論

申斗垣曰兩足心凸腫上生黑痘瘡其硬如疔脛骨  
有碎孔髓流出身發寒戰惟思飲酒此名足疔怪  
病乃肝腎二經寒熱毒氣相合而成啟玄

足跟冷疔門主論

心法曰冷疔生足跟由濕寒凝結而成形如棗栗起  
紫白皰疼痛徹骨漸生黑氣腐爛孔深時流血水  
氣穢經久不斂者宜神燈照之 全鑑

足跟冷疔門主方

鐵粉散 全鑑

生鐵粉 卽城砂如無用黑鉛四兩鉄杓化開傾水中冷定取出又化又傾以盡爲度去水取

淨末  
三錢

黃丹 水飛

輕粉

松香 各一錢

麝香 一分

各研細末共和一處再研勻將患處以葱湯洗去血水腐臭香油調搽患上油紙蓋上線紮

鷄眼門主論

心法曰鷄眼本名肉刺主於足指形如鷄眼故俗呼  
之根陷肉裏頂起硬凸疼痛步履不便此緣纏脚  
或著窄鞋奔行捫擠皆能生之宜貼加味本乙膏  
滋潤之或用紫玉簪根搗爛塗貼油紙蓋之或地  
骨皮紅花各等分研細香油調敷俱效

年鑑

鷄眼門主方

紫玉簪膏

五倍子

一兩

紫玉簪葉

二十片

乳香

沒藥

各三錢

河豚眼睛

三十個

血竭

兒茶

各二錢

紅芝麻油

半觔

東丹

四兩

先將藥全油熬枯再入乳沒茶竭化盡濾清復入鍋內熬滾徐徐下丹老嫩得宜攤貼

又方

蜈蚣一條煨研細末每用少許以膏蓋之

雞眼膏

鮮白朮外面綠皮不拘多少搥碎桐油熬枯去渣  
滴水成珠不散爲度加雄黃少許攪勻收貯先將  
雞眼熱水泡軟貼上一伏時揭下內有紅絲拔出  
又方

蜈蚣一條

紫草三錢

蘇油一兩熬至藥枯去渣入淨鍋內加枯礬一  
錢東丹一錢熬至滴水不散投白蠟黃蠟各五  
錢每用少許攤貼

又方

蜈蚣二條

白膠香

蘇油

黃

蠟各等分

先將蜈蚣入油熬枯去渣滴水成珠不散再下

膠香黃蠟成膏攤貼

又方

雞胃食指之餘者以石壓之立驗

金蓮穩步膏

地骨皮

鮮紅花

各等分



梓成膏敷雞眼瘰處卽消若已害者敷之次日

卽癰落

脚針膏

阿魏

莢木

各三錢

三稜二錢

麝香五分

雞肫皮七個

鱧魚血一杯

大黃四兩

葶薺連皮陰乾二十四個

用麻油一觔先熬羣藥去渣入阿魏熬枯再下

鱧血滴水成珠入炒黃丹四兩徐徐投攪成膏

冷定下麝末攤貼

雞眼

不可用鉄器割只用磁鋒割則再不生患處用學  
薺搗爛敷上絹縛即愈

脚上肉刺雞眼止痛

黃丹

朴硝

枯礬

各等分

爲末炒茺白拌塗之

雞眼膏

葶

薺

線穿陰乾

火丹草

陰乾

蟾

酥

草蘇子

桃仁

穿山甲

一 稜

紅 花

莪 朮

天南星

各二錢

鱈魚血

半杯陰乾爲末

雞肫皮

不見水十個

河豚眼

陰乾十枚

虎耳草

陰乾

阿

魏

各一錢五分

麝 香

三分

麻 油

六兩

飛黃丹

三兩

熬膏將雞眼修淨攤貼

又方

烏梅肉荔枝肉各等分搗膏貼之自消

肉刺雞眼

集驗

車藤子爲細末敷上一二時其刺自出痛卽止

又方

葱根

葶

薤搗汁一碗  
煎薤薤用

另用松香四兩麻油全煎滴水成珠方入煎汁  
畧熬離膏貼之即落

又方

集驗

蜈蚣一條

礪砂等分

放磁罐內拌勻埋地下七日取出銀簪點上即  
脫

又方

玉簪花根搗爛敷

又方

葶藶一個蕎麥麩一錢搗敷一夜除根

爛皮濕熱門主論

足三陰濕熱脚紅腫皮破流脂類乎血瘋浸淫不止癢痛非常當用黃連膏治之

爛皮濕熱門主方

黃連膏

治爛皮濕熱

先用桐油一觔入鍋熬起白星爲度加黃蠟一兩  
五錢溶化入研細炒黑大黃末一觔攪勻入冰片  
二分攤貼

又方

半枝蓮搗爛敷之

遠行奔走脚上起泡門主論

遠行奔走皆由包脚布縱而不平或釘鞋釘或襪底  
得汗縱起或鞋大小擠脚皆能起泡亦有傷及良  
肉潰膿焮痛者

又曰行遠路者走十餘里將包脚布從新包裝則不  
起泡



遠行奔走脚上起泡門主方

又方

飯粘搗敷以紙覆之過夜平復

又方

水調白麪敷之

人走長路緊急被石塊脚底墊腫不能行步痛不可

忍者名曰脚墊

懷德堂秘錄

急用舊草鞋浸尿桶內一夜將新磚燒紅以浸濕草鞋放磚上隨以腫脚踏上火磚通尿氣入內卽

消若不早治恐潰爛難愈如走長路脚腫疼痛亦  
用此法立消

凡久行久立脚心腫痛

單方

蚯蚓屎水和敷一夕即愈

足汗門主方

止脚汗

白礬

乾葛各五錢

煎湯連洗五日其汗自止

小脚門主方

桑杏湯

桑白皮 八錢  
朴 硝 一兩  
乳 香

杏 仁 各二錢

五大碗水先煎桑杏至三碗再入乳硝封口化盡先薰後洗足大能小其軟如綿

又方

明 礬 一兩  
葳 靈 仙  
川 椒

鳳仙花 玉簪花 各三錢  
皮 硝 五錢

水煎一個時辰先薰後洗